



Pou Piblikasyon Imedya: 27/02/2023

GOUVÈNÈ KATHY HOCHUL

GOUVÈNÈ HOCHUL ANONSE FINISMAN KONSTRIKSYON YON SERI PWOJÈ REZISTANS KONT INONDASYON NAN FAIR HAVEN, KONTE CAYUGA

Plis pase 1.8 milyon dola pou estabilize ak sovgade litoral West Barrier Bar Park la

Prèske 719,000 dola pou ranp bato King Street ak amelyorasyon zòn espas pou asire aksè kontinyèl ak lansman bato a pandan evènman gwo dlo yo

656,500 dola pou estabilize litoral la ak pwoteje Estasyon Ponpaj Lake Street la

487,600 dola pou reparasyon ak elevasyon mi soutènman nan Pak Piblik Cottage Street la, sa k ap diminye inondasyon alavni

Nan Kad Inisyativ Rezilyans ak Devlopman Ekonomik 300 milyon dola Eta New York la

Gouvènè Kathy Hochul te anonse jodi a finisman yon seri pwojè rezistans kont inondasyon nan Fair Haven, Konte Cayuga. Yo te bay Vilaj la 3.7 milyon dola pou konplete kat pwojè atravè [Inisyativ Rezilyans ak Devlopman Ekonomik](#) (Resiliency and Economic Development Initiative, REDI) Eta New York la. Pwojè ke REDI finanse sa yo pral ede bese enpak pwochen evènman gwo dlo yo epi amelyore rezistans bò litoral Konte Cayuga a.

"New York gen yon responsabilite espesyal pou li se jeran Great Lakes (Gran Lak) yo ak pwoteje yo pou moun ki ap viv nan kominate sa yo ak biznis ki ap fonksyone isit la", **Gouvènè Hochul te deklare.** "Pandan ke rezidan ki abite ak travay otou Lake Ontario ak Rivyè St. Lawrence deja fè fas ak gwo defi nan dènye ane yo, New York ap pran mezi pou ede konsti kominate ki pi solid, ki pi rezistan. Finisman amelyorasyon jodi a nan Fair Haven pral ede pwoteje vilaj la kont evènman gwo dlo alavni yo epi asire ke li pwospere pou jenerasyon k ap vini yo."

An 2019, Lak Ontario te anrejistre nivo dlo ki te wo anpil ki te lakòz inondasyon devastatè toupatou nan kominate yo ki sou litoral lak la. Evènman metewo grav sa yo te degrade enfrastrikti publik yo ak restriksyon pou itilizasyon publik destinasyon touristik popilè yo tankou West Barrier Bar Park, sa ki te gen yon enpak negatif sou sekirite

piblik ak ekonomi lokal yo. Komisyon REDI te bay vilaj la plis pase 5.25 milyon dola pou yon total sis pwojè. Pwojè REDI Philips Park Walkway la ki koute 1.45 milyon dola a ap kontinye. Sizyèm ak dènye pwojè rezistans vilaj la, pwojè amelyorasyon Standbrook Park la, te resevwa 73,900 dola nan men Komisyon REDI a epi yo prevwa l ap kòmanse nan fen sezon prentan sa a. Anons jodi a sou pwojè ki fini yo se:

West Barrier Bar Park, 1,863,381 dola: Inondasyon kontinyèl ak aksyon vag entans te lakoz ewozyon bò litoral baraj an bawo a, sa ki lakòz kèk seksyon nan pak la vin inonde epi yo pa aksesib pou itilizasyon piblik la. Pwojè diminisyon inondasyon West Barrier Bar Park la ki enkli renivle bò rivaj Lak Ontario a pou retounen plaj la nan kondisyon ideyal ki pèmèt piblik la jwenn aksè ak dlo a epi fè yon eksperyans pak ak plaj ki agreyab. Anplis de sa, yo te enstale yon sèy an wòch olaj pou ede kreye yon litoral vivan pou redwi enèji vag yo epi pwoteje litoral Little Sodus Bay la kont ewozyon.

Ranp King Street, 718,619 dola: Ranp bato King Street la ak zòn pakin sitiye sou bò Iwès Little Sodus Bay. Lansman bato a se youn nan pwen aksè prensipal pou rekreyasyon nan Bay la, ki atire touris ki soti toupatou nan Eta a. Kenbe itilizasyon ranp bato a ak zòn pakin lan pandan evènman gwo dlo yo te enpòtan anpil pou sipòte biznis lokal yo ki sitiye nan bè a. Mezi rezistans yo te antreprann nan ranp bato King Street la ak zòn pakin yo ki gen ladann ogmante elevasyon mi soutènman ki egziste deja yo, ranplasman dal ranp bato an beton yo, ak enstalasyon pwoteksyon sou tèt mi soutènman yo.

Estasyon Ponpaj Lake Street la, 656,500 dola: Nivo lak ki wo te kite estasyon ponpaj Lake Street la vilnerab fas ak inondasyon, sa ki te mete sèvis piblik enpòtan sa a nan risk defayans epi konpwomèt kalite dlo a. Estasyon ponpaj la sèvi Pak Eta Fair Haven ak rezidans lokal yo. Diminisyon inondasyon yo te aplike nan pwojè a te gen ladann enstalasyon palplanch an asye ak anwochman sou rivaj la pou kontwole ewozyon ak diminye inondasyon alavni.

Pak Piblik Little Sodus Harbour/Cottage Street, 487,600 dola: Pak Piblik Cottage Street sitiye sou bò lès Little Sodus Bay epi li se yon pwen aksè prensipal ak Iwazi nan bè a. Asire ke ranp bato ak zòn debakaj pak la rete itilizab pandan gwo dlo yo epi ke gen aksè kontinyèl nan Little Sodus Bay la enpòtan pou sipòte ekonomi touris lokal la. Mezi diminisyon ki te aplike nan pwojè rezistans kont inondasyon nan Pak Piblik Cottage Street la enkli reparasyon ranp bato an beton ki egziste deja a, ogmante wotè miray soutènman ki egziste deja yo, epi ajoute yon pwoteksyon sou tèt mi yo. Anplis de sa, waf an bwa aktyèl la te ranplase ak yon waf flotan epi yo te repare ak regrade asfalt ki mennen nan lansman an.

Komisè Depatman Konsèvasyon Anviwònmantal (Department of Environmental Conservation, DEC) Eta New York la ak Ko-Prezidan Komisyon REDI a, Basil Seggos, te deklare, "Sou direksyon Gouvènè Hochul, DEC kontinye travay deprè avèk komninote ki gen tandans sibi inondasyon yo nan tout bò rivaj Lak Ontario a ak Rivyè St. Lawrence lan, sa k ap ede pwoteje kay yo, biznis yo, ak resous minisipal enpòtan yo

tankou pak yo, enfrastrikti dlo, ak wout yo. Pwojè sa yo nan Fair Haven ranfòse rezistans litoral vilaj la ak enfrastrikti vital."

Sekretè Deta New York la, Robert Rodriguez, te deklare, "New York kontinye idantifye ak vize pwojè ki pote transfòmasyon sou rivaj Lak Ontario a pou amelyore rezistans kominote yo otou lak la. Atravè pwogram REDI a, gouvènman eta ak lokal yo ap travay ansanm pou adapte yo ak nivo dlo ekstrèm yo nan destinasyon popilè yo tankou West Barrier Bar Park nan Konte Cayuga. Envestisman nou an nan pwopriyete sa a pral ede ranfòse yon destinasyon touristik popilè, asire ke li kontinye sèvi kòm yon eleman enpòtan nan ekonomi rejyonal la ak yon pyès mèttrs nan kominote pou lontan alavni."

Komisè Biwo Sèvis Jeneral NYS la, Jeanette Moy, te deklare, "Nan kad lidèchip Gouvènè Hochul, pwogram REDI Eta New York la ap konplete pwojè k ap devlope fleksibilite nan zòn ki gen tandans sibi inondasyon yo bò Lak Ontario ak Rivyè St. Lawrence lan. Nan vilaj Fair Haven, efò sa yo ap repare, amelyore, ak pwoteje enfrastrikti enpòtan yo nan kominote a. Yo bay tou yon bourad nan ekonomi touris lokal la nan amelyore opòtinite Iwazi pou rezidan zòn nan ak vizitè yo nan rejyon an."

Komisè Depatman Transpò Eta New York la, Marie Therese Dominguez, te deklare, "Mwen te sou plas epi mwen te temwen domaj yo akòz inondasyon sotisoti nan Lak Ontario ki rive nan Vilaj Fair Haven, epi paske amelyorasyon rezistans ki finanse pa REDI sa yo esansyèl pou sekirite kominote bò litoral nou yo, Depatman Transpò Eta a rete angaje nan travay ak patnè nou yo nan gouvènman lokal ak eta a pou ranfòse enfrastrikti nou an davantaj. Evènman move tan ak nivo dlo k ap monte yo ap vin pi mal akòz chanjman klimatik la, epi lè nou fè envestisman estratejik sa yo kounye a, nou ede asire rezidan yo ak biznis yo pral pi byen pwoteje alavni."

Will Barclay, Lidè Minorite Asamble a, te deklare, "Finisman pwojè enpòtan sa yo nan Fair Haven pral pote gwo benefis pou kominote a. Little Sodus Bay ofri opòtinité Iwazi fòmidab ak resous natirèl inik ke anpil moun ka vin apresye. Envestisman pou kenbe ak amelyore enstalasyon nan zòn nan ede ogmante aksè epi ajoute nan plezi pou tout moun ki vin nan rejyon an. Mwen felisite tout moun ki te travay di pou fè amelyorasyon sa yo yon reyalite."

Prezidan Konte Cayuga a, David Gould, te deklare, "Pwojè apre pwojè Pwogram REDI a ap ede kominote bò litoral Lak Ontario yo rebati pi fò, pou asire zòn nan prepare pou evènman inondasyon alavni yo. Nou felisite Gouvènè Hochul ak Ekip REDI a pou sipò ak angajman kontinyèl yo pou konstwi rezistans nan rejyon an."

Majistra Vilaj Fair Haven lan, James Basile, te deklare, "Pwojè REDI ki te konplete yo se amelyorasyon ki byenveni ki gen ladann enfrastrikti rezistan ki pral bese inondasyon ki te kreye pa revizyon nivo lak ki te entwodwi pa Plan 2014 (Panifye 2014) la epi ede asire zòn rasableman publik popilè sa yo rete ouvè ak aksesib. Mèsi ak Komisyon REDI a ak Ekip REDI a pou sipò ak konsèy yo pandan Vilaj la t ap navige nan pwosesis konsepsyon ak konstriksyon an."

Nan repons ak chema inondasyon pwolonje nan tout bò rivaj Lak Ontario ak Rivyè St. Lawrence yo, Eta New York te kreye REDI a pou ogmante rezistans kominote sou rivaj yo epi estimile devlopman ekonomik nan rejyon an. Yo te etabli senk (5) Komite Planifikasyon Rejyonal (Regional Planning Committees) REDI yo, ki gen reprezantan ki soti nan uit (8) Konte (Niagara ak Orleans, Monroe, Wayne, Cayuga ak Oswego, ak Jefferson ak St. Lawrence) pou idantifye priyорite lokal yo, enfrastrikti ki gen risk ak lòt resous yo, ak enkyetid konsènan sekirite piblik la. Atravè REDI a, Eta a te angaje jiska 300 milyon dola a, pou benefisiye kominote yo ak amelyore rezistans nan rejyon ki gen tandans sibi inondasyon olon Lake Ontario ak St. Lawrence River yo.

Depi kreyasyon pwogram REDI Eta a nan sezon Prentan 2019 la, 134 pwojè lokal ak rejyonal REDI finanse yo kòmanse, sa ki gen ladan 41 pwojè nan faz konsepsyón, 41 pwojè nan faz konstriksyon ak 52 pwojè ki fini.

Pou w jwenn plis enfòmasyon, pwofil pwojè yo ak nouvèl sou REDI klike [isit la](#).

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418

[ANILE ENSKRIPSYON OU](#)